

فيديو # ٥٤٧ من مقاطع حظر التجول تدبر البقرة حلقة ٦٧ الآي

٧٣٢-٥٣٢

فاضل سليمان

السلام عليكم ورحمة الله وبركاته. اهلا بحضراتكم في المقطع رقم سبعمية خمسة واربعين من مقاطع حظر التجول والحلقة السادسة والسبعون من حلقات تدبر سورة البقرة. ارجو من حضراتكم تجميعوا المصاحف - [00:00:01](#)

تدبرنا امبارح ايات عن عدة المرأة المطلقة وعدة المرأة المتوفى عنها زوجها يعني سمة القرآن المدني واضحة جدا على آ سورة البقرة اللي بتدبرنا حلول لكل حاجة تقريبا طيب نفترض واحدة - [00:00:25](#)

آ واحد شخص اراد انه يتزوجها وجه يخطبها فالجيران قالوا له لا استنى ايه دي في العدة العيد ده بيعمل ايه ينتزر لما العيادة تنتهي ويخطبها طيب افترض ان هو هيسافر ست شهور مسلا او سنة - [00:00:50](#)

ولما يرجع خايف يلاقها اتخطبت او اتجوزت شخص اخر. يعمل ايه ازاى ما ينفعش يخطبها وهي في العيد ده قال لك يلح لها بالخطبة اسمها الخطبة بكسر الخاء يعني رغبة الشخص في الزواج او نية الشخص ان يتزوج - [00:01:10](#)

الخطبة بضم الخاء يعني الكلمة اللي فيها وعظ فقال لك يلح لها بالزواج بطريقة غير مباشرة تفهم منها انه عاوز يجوزها ويسافر. سافر خلاص هو قام بعملية تعريض. يعني عرض بالزواج. هي بقى والله لو شايفاه كويس وما جالهاش حد احسن - [00:01:34](#)

انه خلاص تستناه اقرا كده معي الاية متين خمسة وتلاتين. وشف لاي درجة ربنا سبحانه وتعالى بيعطي تفاصيل التفاصيل احيانا في الامور اللي تخص حياة الناس. وممكن يكونوا يعني الناس لما لما لا تحسن التعامل في - [00:01:58](#)

ودي بتعك حياتها يعني اعوذ بالله السميع العليم من الشيطان الرجيم. اقرا معي متين خمسة وتلاتين ولا جناح عليكم فيما عرضتم به من خطبة النساء او اكمنتم في انفسكم علم الله انكم ستذكرونهن - [00:02:20](#)

ولكن لا تواعدوهن سرا. الا ان تقولوا قولنا معروفا ولا تعزموا عقدة النكاح حتى يبلغ الكتاب اجله. واعلموا ان الله يعلم ما في انفسكم فاحذروه. واعلموا ان الله غفور حلیم - [00:02:43](#)

لا جناح عليكم فيما عرضتم به من خطبة النساء. يعني ما فيش اثم ما فيش وزر ان الواحد منكم يعرض يعرض للمعتد معتدة جوزها ميت معتدة مطلقة ما فيش مشكلة انه يعرض بالخطبة. يعني الخطوبة - [00:03:09](#)

يعرض يعني لمح دون تصريح يعني لا يجوز له انه يقول لها تتزوجيني او حتى يقول لوليها انت ممكن تجوزني بنتك لا يجوز هذا. ما دام في العدة بتاعة رجل اخر سواء عايش او ميت لازم العدة تحترم - [00:03:33](#)

اه لكن لو قال لها مسلا ده انت اي راجل يتمني يتجوزك اه ده تعريض يقول لها لعلمك انا قررت ان انا اتزوج يقول لها او يقول لوليها. قررت ان انا اتزوج وحاليا ابس عن زوجة. وان شاء الله ربنا بيعت لي بنت الحلال. اه ده تعريض - [00:03:53](#)

يعني يا جماعة انا جاهز انا بس انتم اللي لسة مش جاهزين فكل ده يعتبر تعريض يعني تلميح يفهم منه ان هو جد في المسألة لا جناح عليكم فيما عرضتم به من خطبة النساء او اكمنتم في انفسكم - [00:04:11](#)

يعني مش غلط يا رجالة. ما كان ربنا بيكلم الرجال انكم تعرضوا للنساء بالخطبة طالما تلميح دون تصريح تعريض ولا هو غلطان يكون عندكم يا رجال مشاعر نحو بعض النساء ورغبة في خطبتهم. او اكنتم في انفسكم. في واحد كده ايه - [00:04:32](#)

جواه كده مشاعر وحب ناحية واحدة ومش قادر يقول ومش لانه بيكن في نفسه هذا. لا ما فيش مشكلة في هذا علم الله انكم

ستذكرونهن ولكن لا تواعدوهن سرا الا ان تقولوا قولاً معروفاً. الاسلام دين عملي جداً. ويقدر عواطف الانسان. راجل عاوز -

[00:04:57](#)

يتزوج آآ انسانة وخايف يرجع من السفر يلاقي حد اتقدم لها وخطبها. قابله والنبى عليه الصلاة والسلام قال لا يخطب احدكم على خطبة اخيه فما ينفعش اما يرجع يلاقيها مخطوبة يروح يقول لها لا ده انا كنت عايز اخطبك ما ينفعش خلاص ما هي مخطوبة لا -

[00:05:23](#)

يخطب احدكم على خطبة اخيه ربنا جعل له مخرج ان الست تعرف مشاعره فتصبر لما يرجع لو هي عايزاه وما تتسرعش في قبول شخص اخر علم الله انكم ستذكرونهن ولكن لا تواعدوهن سرا الا ان تقولوا قولاً معروفاً. ربنا عارف ان انتم ممكن تكونوا بتفكروا فيهم

[00:05:41](#) -

وتبوحوا بالموضوع ده لحد قريب منكم لكن لا تواعدوهن المواعدة على وزن المفاعلة يعني تفاعل من طرفين فانتهم ما توعدوهمش

بالزواج. يعني هو ممنوع ان انت تقول لها انا عايز اتجوزك - [00:06:06](#)

ما تروحش انت في السر تقول لها انا عايز اتجوزك بس ما تقوليش لحد عشان ده حرام لا ما ينفعش ولا هي كمان ينفعش توعدك سير

تقول لك ما تخافش انا هنتزرك انا هتجوزك بس اما بس اما العيد هتخلص ده برضو حرام. ولكن لا تواعدوهن سرا - [00:06:26](#)

ده مش مسموح به الكلام ده. لابد من العدة تحترم الراجل اللي مات ده لابد يحترم والراجل اللي هي في زمته لسة لانها يعني يعني

مطلقة لانها كده لسة في العدة وممكن يراجعها لابد - [00:06:43](#)

الاحترام المسألة دي الا ان تقولوا قولاً معروفاً. المعروف اللي هو لا تجاوز فيه لحدود الادب في او اداب التعامل بين الرجال والنساء

ومنها انها لو معتدة يبقى بس يعرض تعريض تلميح ان هو آآ يعني ممكن يكون عريس - [00:06:57](#)

طيب كمل بقى الاية ولا تعزموا عقدة النكاح حتى يبلغ الكتاب اجله يعني ما تعقدوش عقد الزواج لا تعزموا عقدة النكاح. ما تعملوش

النكاح حتى يبلغ الكتاب اجره. مش قبل العدة ما تخلص بيوم - [00:07:18](#)

يعني ايه الكتاب الكتاب يعني ما كتبه الله عليكم من فرائض. مش قلنا كتب عليكم الصيام. يبقى الصيام كتاب ماشي آآ ان الصلاة

كانت على المؤمنين كتاباً موقوتاً. يعني كتاباً يعني شيء مكتوب. مفروض - [00:07:39](#)

ولا تعزموا عقدة النكاح حتى يبلغ الكتاب اجله. الكتاب هنا اللي هو العدة تبلغ الاجل يبقى بعد العدة اللي ربنا فرضها اهلا وسهلا تبقوا

تعملوا ايه الفرح واعلموا ان الله يعلم ما في انفسكم - [00:08:01](#)

فاحذروه واعلموا ان الله غفور حلیم هذا التزيين للاية انا اجده غريب جداً ان في تحذير شديد بينتهي باسم الغفور والحليم ربنا لما

بيحذر من فعل بينهي باسماء تانية مش بالغفور الحليم. يعني مسلاً مسلاً في سورة البقرة خدنا ومن يبذل نعمة الله من بعد ما -

[00:08:21](#)

جاءته فان الله شديد العقاب. بيحذر من حد يبذل النعمة ويذكر اسم من اسماء الجلال. اسماء اللي فيها ترهيب سيب شوية. الله شديد

العقاب. آآ لكن مسلاً لما يحث الناس على التوبة - [00:08:48](#)

يقول اه يذكر اسماء الجمال واستغفروا ربكم ثم توبوا اليه ان ربي رحيم ودود. ماشي لكن نجد في الاية متين خمسة وتلاتين هذا

التذليل واعلموا ان الله يعلم ما في انفسكم فاحذروه - [00:09:06](#)

واعلموا ان الله غفور حلیم قعدت افكر فيها دي النهاردة بتاع مسلاً نص ساعة لهجة تحذير واضحة جداً فاحذروه واعلموا ان الله

غفور حلیم يبقى غفور حلیم مش على اللي بيخالف. لا - [00:09:28](#)

هو عشان غفور حلیم انزل لكم حكم التعريض وتراكم تلمحوا للنساء برغبتكم في الزواج. عشان كده هو غفور حلیم هو كان ممكن

جدا يمنع الكلام ده كله لغاية العدة ما تخلص. مسافر مش مسافر مش مشكلتنا باجل سفرك. لا ربنا غفور حلیم - [00:09:47](#)

اداكم الوسيلة اللي اداكم اقصى حاجة تقدروا تستخدموها علشان تامنوا انفسكم من الناحية دي. فما حدش يتلاعب بقى واعلموا ان

الله يعلم ما في انفسكم ان الكلام ده يبقى فيه تلاعب كتير جداً جدا - [00:10:08](#)

ده ده كمان فيه تلاعب بالنساء. وبعواطف النساء. يعني واحدة ارملة او مطلقة يجي واحد يبدأ يستخدم التعريض ده وهو مش جاد مش جد بس بيتلاعب بعاطفة امرأة تريد ان تتزوج - [00:10:25](#)

وعندها وقت لو قالت له اه مش هينفع تتجوز دلوقتي. فهو يتلاعب بها وربنا يتدخل ويحذر الرجال اللي ممكن يتلاعبوا بعواطف النساء ويقول لهم هو غفور حلیم اداكم فرصة انكم تعرضوا بس ده احذروا انه يكون ده مش اللي في نيتكم لان ربنا يعلم اللي داخلكم ايه - [00:10:44](#)

اقرا معي بقى متين ستة وتلاتين ومتين سبعة وتلاتين لا جناح عليكم ان طلقتم النساء ما لم تمسوهن او تفرضوا لهن فريضة. ومتعوهن على موزع قدره وعلى المقتنع قدره. متاعا بالمعروف حقا على المحسنين - [00:11:06](#)

وان طلقتموهن من قبل ان تمسوهن وقد فرضتم لهن فريضة. فنصف ما فرضتم الا ان اعفون او يعفو الذي بيده عقدة النكاح وان تعفو اقرب للتقوى. ولا تنسوا الفضل بينكم ان الله بما تعملون بصير - [00:11:29](#)

الكلام رجع ثاني لقوانين الطلاق وهدفه واضح الحفاظ على حقوق المطلقات في اربع انواع من المطلقات يا جماعة. على حسب يعملهم نوعين على حسب الطلاق. بعد العقد ولا يعني قبل الدخول - [00:11:52](#)

قبل الدخلة ولا مطلقة بعد الدخلة خلاص الدخلة دي اسمها الدخول البناء يسمى برضه ففي اللي بتطلق وهي مكتوب كتابها بس. بعد العقد يعني وفيه اللي بتتطلق بعد ما بتتزوج زواج كامل وبالبناء وكل حاجة - [00:12:15](#)

وفي مطلقة فرض لها فريضة ومطلقة لم يفرض لها فريضة. يعني ايه يعني في مطلقة سمي لها المهر ومطلقة لم يسمى لها المهر برضه يعني ايه احنا ما بنعرفش عربي بقى ما احنا لازم نتكلم بالعامي - [00:12:37](#)

يعني فيه مطلقة عارفة المهر بتاعها كم بالضبط وخذت كم مقدم ومؤخر اللي هو مؤخر الصداق كم او مؤخر الصداق اللي بيتاخذ بعد ما الراجل يموت ده ده جزء من المهر - [00:12:56](#)

ففي واحدة عارفة راسها من رجليها وواحدة تانية مش عارفة حاجة خالص فيه ناس ما بيتكلموش في المهر يتركوا الامر لتقدير العريس ماشي؟ طيب اول نوع هي اللي تزوجت زواج كامل - [00:13:09](#)

ودخل بها ومعروف كمان مهرها كم لان فيه مبلغ دفع عند العقد ومبلغ يسمى المؤخر عند الوفاة او الطلاق بتاخذ المرأة قبل ما ما تقسم التركة لو هو مات في هذه الحالة بقى المرأة دي ربنا كلمنا عنها خلاص في الاية متين تسعة وعشرين. وقال لنا - [00:13:25](#)

الطلاق مرتان فامساك بمعروف او تسريح باحسان. ولا يحل لكم ان تأخذوا مما اتيتموهن شيئا ادي واحدة مطلقة مرتين يبقى اكيد دي بقى ايه خلاص. دي مدخول بها. ماشي؟ وبعدين - [00:13:48](#)

لا يجوز بالنسبة لمهران حد ياخذ منه حاجة لا ينقص قرش. بالكامل تاخذه تمام امبارح حتى انا اتكلمت في موضوع الثمانية الناس اللي عليها مؤخر قديم مكتوب من زمان لما كان الذهب مش عارف بكام والنهارده الذهب يعني لما كانت البيضة بقرشه النهاردة البيضة مش عارف باربعة جنيهه - [00:14:07](#)

ولا بتاع يبقى لا يبقى لابد الناس الناس اللي عايزة تدي الناس حقوقها صح تعيد حسابها في الكلام ده. طيب في بقى حالتين تانيين في الايتين بتوع النهاردة حالتين بتوع المرأة التي لم يدخل بها. يعني اللي اتطلقت بعد عقد الزواج - [00:14:26](#)

الحالة الاولى لم يسمى لها المهر يعني ما تعرفش هي متجوزة ومهرها كم والحالة الثانية لم يدخل بها وسمى لها المهر. اللي هي اللي هي الاية متين ستة وتلاتين. خلينا نشوف متين ستة وتلاتين الاول - [00:14:47](#)

لا جناح عليكم ان طلقتم النساء ما لم تمسوهن او تفرضوا لهن فريضة ومتعوهن على الموسع قدره وعلى المقدر قدره متاعا بالمعروف حقا على المحسنين. محسنين. وان طلقتموهن من قبل ان - [00:15:04](#)

وقد فرضتم لهن فريضة فنصف ما فرضتم الا ان يعفون او يعفو الذي بيده عقدة النكاح. وان تعفو اقرب للتقوى ولا تنسوا قل فضل بينكم ان الله بما تعملون بصير - [00:15:24](#)

طالما لم تتم الدخلة وطلقت بعد العقد تعطوها نصف المهر خلاص فنصف ما فرضتم ما دام فرضتم لهن فريضة وعارفين الست عارفة

مهرها كم تاخذ نص مهرها. طب لو كان دفع المهر كله - 00:15:42

دفع لها المهر كله وبعدين حصلت مشاكل بين مامته ومامتها والدنيا اتعقدت يبقى ايه الجواز مش هتم الجواز مش هتم هي تم العقد لكن مش هيدخل بها وقرروا ان الطلاق افضل. طيب هو كان دفع كله ترجع له نص المهر اللي دفعه - 00:16:01
يرجع له نص المرة اللي دفعه. هيلاقها نص المهر بس. طيب لو كان هو لسه ما دفعش ولا قرش وعقده كان لسه ما جابش الفلوس وقرروا يطلقوا وهو لسه ما دفعش النص. يعمل ايه؟ والحمد لله. جت من عند ربنا. لا يا حبيبي ده دين عليك. يروح يجيب نص المهر ويدفعه - 00:16:25

خلاص الا ان يعفون الا لو عفت عنه قالت خلاص مش عاوزه حاجة ده وارد يكون ولد عمال يحوش عشان يتجوز. وبعد ما يعقده آآ يجد انه يوم ما يجدوا مع بعض انه انه خلاص ده الجواز دي مش هينفع انها تكمل او تتم والافضل ايه واحنا لسه على البر اهو دلوقتي عقدنا بس احنا ايه يتطلقوا - 00:16:48
طب ما هو نص المبلغ ده مبلغ كبير عندي هي ممكن تعفو عنه وتقول له اتفضل خد نص فلوسك انا مش عايزاها وترجع له نص الفلوس كمان ده وارد وممكن العكس - 00:17:17

او يعفو الذي بيده عقدة النكاح اللي هو هو الزوج نفسه الا ان يعفون نون النسوة. يبقى الستات الايه اللي تم العقد عليهم. او اللي اللي بيعقد عقدة النجاح اللي في ايده ان هو يعقد النكاح اللي هو الراجل العريس. لان فيه ناس فاهمة ان هو الولي. وده وارد انه يكون ولي. لكن - 00:17:28

لكن المقصود به هنا العريس هو اللي يعفو ويترك نص المهر اللي له كان متجوز يعني هو لو هو غني شف ربنا بيشجع الناس تتسامح مع بعض. لو هو غني وجوز انسانة فقيرة. وبعدين حصل عقد بعد ما عمل العقد وشكله الموضوع مش هيتم - 00:17:48
فقرر ان هو خلاص آآ يطلقها سيب النص انت بقى او يعفو سبيلها القرشين دول يمكن ينفعوها اما تجوز ان شاء الله يجيب بها الجهاز تمام؟ فربنا بيشجع وبيقول وان تعفو اقرب للتقوى - 00:18:07
بيشجع الناس هو قال للناس كل واحد حقه ايه كل واحد ياخذ حقه ياخده. لكن ربنا يحب انكم تعفوا الغني يعفو لو المرأة هي الاغنى تعفو لو الرجل هو الاغنى يعفو. يعني حتى يا جماعة الخلافات دي مش لازم يكون فيها فضايح وبوليس وخناقات والشارع يسمع كله. لأ غلط - 00:18:26

بسلاسة وبرقي وخلصوا مشاكلكم. يعني حتى الطلاق ده ممكن يكون نعمة بس لو يستخدم صح. طيب وان تعفوا اقرب للتقوى ولا تنسوا الفضل بينكم. طيب. نلاز بقى ان ربنا عبر عن الجماع بالمس - 00:18:47
ما لم تمسوهن من قبل ان تمسوهن ودايخة وده على فكرة في القرآن والسنة يعبر عن الجماع بالماء بكلمة المس السيدة مريم قالت ايه؟ قالت ربي انا يكون لي ولد ولم يمسنني بشر - 00:19:07
يعني ولا ما يمسنني هو يعني ينفع يبقى عليها ولد لو فيه بشر سلم عليها او مسك ايدها كده لأ يمسنني معناها لن يجامعني بشر. ده معناها فالمس ياتي في القرآن - 00:19:29

سنة بمعنى الجماع. وده للأسف عامل مشكلة للناس كتير جدا. في احاديث مش فاهمينها. وفاهمين معناها المس كده. كده. لأ الاية اللي قبلها عن المطلقة بقى اللي لم يدخل بها ولم يسمى مهرها. يعني ما تعرفش مهرها كم - 00:19:39
الاية متين ستة وثلاثين. تعال نجيبها لا جناح عليكم ان طلقتم النساء ما لم تمسوهن او تفرضوا لهن فريضة ومتعوهن على الموسع قدره وعلى المقتر قدره متاعا بالمعروف حقا على المحسنين. المشكلة عندنا دلوقتي ان احنا مش عارفين المهر كم عشان نقول لها نصه - 00:19:59

هتاخذ نصه زي احنا مش عارفين اصلا هو كم هي دي المشكلة دلوقتي. فدي واحدة اتكتب كتابها يعني عقد عليها. ثم طلقت قبل الدخول ومهرها كمان لم يسمى يعني مش محدد - 00:20:19

تاخذ ما يسمى بنفقة المتعة ومقدارها على حسب مستوى الرجل المادي. ومتعوهن على الموسع قدره وعلى المقتر قدره متاعا

بالمعروف حقا على المحسنين ابو حنيفة رضي الله عنه ابو حنيفة ده يعني آآ - 00:20:31

صاحب مذهب الرأي وهو يمكن من آآ هو اول واحد آآ في المذاهب الاربعة وكان راجل عبقرى الحقيقة عمل قاعدة تفيد القضاة لما ييجوا يحكموا قال لك مهر المثل بتاع البنت دي كم؟ فالقاضي ييجي يقدر مهر الميث. يشوف اللي زيها وفي سنها وفي حالتها -

00:20:56

اجتماعية يعني متجوزة قبل كده ولا مش متجوزة قبل كده؟ لما بتتجوز من عريس زي العريس ده في نفس سنه ونفس مستواه

المادي بيتدفع لها مهر كم تقريبا وعلى فكرة دي حاجة موجودة في المجتمعات كلها. معروف المهر اليومين دول بتاع الطبقة

المتوسطة مبلغ كذا. معروف المهر اليومين دول بتاع الطبقة لافوق المتوسطة مبلغ مسلا - 00:21:20

فيقول مسلا ايه مسلا مهر المثل بتاعها خمسين الف جنيه يبقى هي تاخذ نصف مهر المثل انها لسة ما دخلتش وهو اصلا ما فيش مهر

اصلا هو بيقدّر حاجة اسمها مهر المثل ويحكم على الراجل انه يدفع لها نفقة متعة قدرها خمسة وعشرين الف جنيه - 00:21:40

يبقى احنا كده خلصنا عندنا ثلاث حالات. الحالة الرابعة هي المطلقة المدخول بها ولم يحدد مهرها يعني واحدة اتجوزت وعاشت معه

وكله ودخل بها وكله تمام؟ وما كانش مهارات حدد وما كانش حد دي لما تتطلق تاخذ مهر تاخذ ايه؟ تاخذ - 00:21:59

مهر المثل كاملا بيحدد له بيتشاف المهر في مسل حالتها ومن عريس زي ده وبتاخذ قدره بالكامل وبيحكم لها به. خلاص؟ احنا كده

خلصنا النهاردة بس هديكم كويز كده فوايزير رمضان - 00:22:20

لبكرة. واجب لبكرة تفكروا فيه محتاج نقرا الايتين اللي بعد كده الايتيم لھانا تدبرھم بكرة حافظوا على الصلوات الوسطى. انا اسف.

حافظوا على الصلوات والصلوة الوسطى. وقوموا لله قانتين ان خفتم فرجالا او ركبانا فاذا امنتم فاذكروا الله كما علمكم ما لم تكونوا

تعلمون - 00:22:36

عن الصلاة. واحنا لسة خارجين من عشر ايات عن الطلاق واحكامه وتفصيله وعدة وعدة توفى عنها زوجها وعدت المطلقة والمهر

بتاع المطلقة المدخول بها والغير مدخول بها. والغير مدخول بها ولم يسمى ما راجع عن تفاصيل كثيرة ومرة واحدة نلاقي في وشنا

ايتين حافظوا على الصلوات والصلوة - 00:23:05

وقوموا لله قانتين. فان خفتم فرجالا او ركبانا. فاذا امنتم فاذكروا الله كما علمكم ما لم تكونوا تعلمون. بص بقى بعدها كمان ايه اقرا

بقى التلات ايات اللي بعدها كمان - 00:23:35

والذين يتوفون منكم ويذرون ازواجا وصية لازواجهم متاعا الى الحول غير غير اخراج. فان خرجنا فلا جناح اليكم فيما فعلن في

انفسهن من معروف والله عزيز حكيم. وللمطلقات متاع بالمعروف حقا على المتقين. كذلك يبين - 00:23:48

الله لكم اياته لعلكم تعقلون. نرجع تاني نتكلم في تفاصيل عدة عن المتوفى عنها زوجها. ونتكلم عن المطلقات تاني وكأن الايتين متين

ثمانية وتلاتين وميتين تسعة وتلاتين كانهم كده اما تيجي تبص لهم كأنهم مقحمين في وسط ايات - 00:24:08

هات الطلاق والعدة والتفاصيل القانونية طب ليه يا ترى ايه الحكمة في ان ايتين الصلاة دول يجوا كانهم مقحمين في وسط سياق

تفاصيل قانونية عن الطلاق والاجراءات والكلام ده ده الواجب عشان تقعدوا تفكروا فيه كده النهاردة. ما هو ده من بتوع كده تمزمز

كده. وتفكر. يا ترى ايه حكمة ربنا من كده؟ عمل كده ليه - 00:24:28

هو ده يعني اساس التدبر العقلي يا جماعة اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما

نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب. اللهم اجعل حبك احب الينا من اهلينا واموالنا

ومن - 00:24:56

الماء البارد على الظمأ اللهم حبيبنا اليك والى ملائكتك وانبيائك ورسلك وعبادك الصالحين. واجعلنا ممن يحبك ويحب ما وانبيائك

ورسلك وعبادك الصالحين اللهم احبي قلوبنا بحبك واجعلنا لك كما تحب. اللهم اجعلنا نحبك بكل قلوبنا. ونرضيك بكل - 00:25:21

اجسادنا. اللهم اجعل حبنا كله لك وسعينا كله في مرضاتك اللهم اجعل القرآن الكريم رابع قلوبنا ونور صدورنا وجلاء احزاننا وذهاب

همومنا وغمومنا ومغفرة ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم جميعا - 00:25:47

اللهم فاطر السماوات والارض عالم الغيب والشهادة. انت تحكم بين عبادك فيما كانوا فيه يختلفون. فبحق كل حرف فيه كتابك تلوناه او تدبرناه. اكفنا واهلينا واخواننا واخواتنا شر كل من يكيد لنا ولهم. واحفظنا واياهم من شرورهم - [00:26:14](#)

ونجعلك اللهم في نحورهم فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين وكن مع اخواننا في المسجد الاقصى - [00:26:34](#)

وطهر المسجد الاقصى من الدنس فانهم لا يعجزونك. واكتب لنا ختم القرآن فيه. وكن مع اخواننا في تركستان الشرقية وفي كشميرة وفي الهند اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على - [00:26:56](#)

دعواتك وتعاهدت على نصره شريعتك. فوثق اللهم رابطتها وادم ودها واهدها سبلها. واملأها بنورك الذي لا يخبو واشرح صدورها بفيض الايمان بك وجميل التوكل عليك. واحيها يا ربنا بمعرفتك. وامتها يا مولانا على الشهادة في سبيلك - [00:27:21](#)

انك نعم المولى ونعم النصير صل اللهم وسلم على سيدنا محمد والسلام عليكم ورحمة الله وبركاته نراكم غدا باذن الله في نفس هذا الموعد ان كنا من اهل الدنيا - [00:27:41](#)